

COMUNICATO n. 2069 del 11/07/2023

Traduzione in ladino

Nef zenter intermodal de Ciavaleis, l é stat publicà l avis

Ti dis passé l é stat publicà sul Sistem Informatif Contrac Osservatorie provinzièl di contrac publics de la Provincia l avis per dèr su i lurieres per fèr su l nef zenter intermodal de Ciavaleis.

La encèria la vegnarà data su con na prozedura orida da meter a jir tras modalitè telematica col criterie de la perferida con maor vantaje economich sun na basa de garejèda de euro 12.308.587,12 (de chi che euro 294.989,33 per agravies per la segurezza).

“Estra che favorir la sostegnibilità di Jeghes Olympics e Paralimpics del 2026, con chesta opera Fiem e dut l Trentin arà a la leta n zenter logistich e infrastruturèl inovatif per la mobilità del davegnir de noscia valèdes e de nesc teritories” l é la paroles del President de la Provincia autonoma de Trent, Maurizio Fugatti.

L’opera, che la vegn fata su te un di lesc de coleament strategics logistics prinzipai de Fiem, la servirà per meter en दौरa l projet Bus Rapid Transit (BRT), sistem de trasport publich che raprejenta n miorament del sistem tradizionèl de Trasport Publich Local anter Trent – Fiem e Fascia de gra apontin a la creazion de neva operes infrastruturèles e tecnologiches, corsies resservèdes al trasport publich, compra de mesi neves e de maor fazion.

Aldò del studie de fatibilità lurà fora da Trentino Trasporti, l nef zenter intermodal de Ciavaleis che l vegnarà fat su te l’area Prà dei Tini l cognarà perveder:

- un deposit per 15 corieres;
- n piazzal dai auti sot tera con a la leta 137 piac dai auti (de chi che 6 per i auti eletrics;
- 16 pos per moto e 20 pos per la rodes);
- na neva stazion de la corieres;
- la infrastrutura per ciarièr la corieres eletriches;
- servijes desche ofize per i biliec, sala da spet, bar.

I lurieres i cogn vegnir fac te 660 dis de seghit da la sotscrizion del verbal de consegna, perveduda dant che sie fora l 2023, e la fin di lurieres donca la é perveduda dant che sie fora l 2025, temp utol per la operes infrastruturèles coleèdes a la Olimpiades da d’Invern 2026.

L termin per portèr dant la perferides l é pervedù en vender ai 4 de aost del 2023 da mesdì.

Traduzion di Servijes Linguistics e Culturèl del Comun general de Fascia

(cdt)